



Jumat, 29 Juli 2022

Ogen: Masmur 128:3-4



Pasu-pasu Bas Tuhan nari



Surga yang nyata saat ini yang bisa kita rasakan adalah rumah yang dipenuhi kehangatan dari keluarga kita (Noname). Peribahasa enda ngajuk kita mulihi guna ngidah ras nginget fungsi rumah man banta. Bagepe kuga kinatana paksa genduari enda. Jadi 'surga' denga nge rumahta? Malem, meriah, senang denga nge siikap tading ibas rumahta? Penungkunen enda banci jadi evaluasi man banta kerna kegeluhen jabuta. Sabab la sitik anak-anak lanai tedeh atena, lanai meriah dengen malem atena ibas rumah. Rumah lanai maba kedamen man anggota jabu. Bagi si megati ikataken lanai 'at home' iakapna ije, lana 'home sweet home' iakapna tading nginganisa.

Renungenta wari enda ncidahkan suasana jabu si tuhu-tuhu ncidahkan kesangapen ras kemalemen ate. Piga-piga tanda-tandana eme:

- Ndehara jadi kunci kebahagiaan ras kesangapen. Ndehara si bali anggur simeramis. Anggur eme simbol keleng ate, keriahen, kemakmuren ras pasu-pasu. Jadi kuncina mbelin kal ibas sekalak ndehara
- Anak-anakna bali ras tunas batang saitun, batang saitun eme salah sada sada batang simeherga ibas tradisi Israel. Batangna paguh, banci jadi mbangun pondok ibas perayaan, kayuna banci jadi peraboten rumah tangga, buahna melala banci ipan, janah banci jadi minak, simelala gunana. Batang saitun si enggo metua itabah tapi rehen ka tunasna.

Bagenda me jabu si ngenanami pasu-pasu ibas Tuhan nari. Tentuna kuh ras sekalak bapa ntah pe perbulangen si erkemalangen man Tuhan. Arah sienda ngatakenca, isi jabu e tuhu-tuhu erlumba njadikan dirina jadi 'pribadi' simalang man Tuhan maka rumah ndai desken 'surga' idoni enda.